

## განგება

წმიდისა დიდისა მოწამისა  
აბო ტფილელისა  
თუესა იანვრის 8-სა

### დიდ მწუხრისა ზედა

ვპალობთ ნეტარ-არს კაცს, I აღსაკლისა.

უფალო ლალად-კუკასა ზედა

დასიდგბელი დღესასწაულისა, მუხლი 3

თქმული ითანე ქოჩოზისძის, ჯამ 4

დამბადებელი დაბადებულთამ დამერთი, გარეშეუწერელი და მიუწვდომელი უხილავი გამოუთქმელი, რომელმან სიბრძნით დაპატადა და შექმნა წყალთაგან ქუეყანამ ესე ძალითურთ და სამყარომ, და გამობრწყინვა მას შინა ნათელი ესე მცხინვარებისა მზისამ და კაცთა მიპმადლა ცხორებამ ესე, ინგა კუალად ცხორებამ ჩუენი წყალთაგან, და ქუეს ქმითა ზეგარდამო განახლებად სულტა ჩუენთათუს.

თქმული სტეფან სანარიანისძის, ჯამ 4

აღსრულებად მოხვედი ყოვლისა სიმართლისა, სიტყუაო მხოლოდ შობილო, შემმოსელი ცათა ღრუბლითა განშიშვლდი იორდანეს, ნათლისლებად სიმდაბლით მოხვედ, თუთ მნათობი შეუქმნელი ნათელი, რომლისა მსგავსებითა განშიშვლდა მოწამე შენი აბო და სისხლისა დათხევითა შეიწირა მსხუერპლად შენდა.

თქმული გრიგოლ ნახტელის: ჯამ 5

გიხაროდენ, წინამორბედო, და საღმრთოსა მოსლვისა მქადაგებელო. აპა, დღეს მოვიდა გალილეამთ იორდანედ ქრისტე, კრავი ღმრთისამ, ტარიგი წმიდამ. ჩუენთუს განმზადებული მოსიკუდიდ ნევსით ჯუარითა, რომელმანცა აღიხუნა სოფლისა ცოდვინი; განემზადე აწ, იორდანეო. განბანად უბიწოთა სისხლთა მისთა, რომელსა არა უხმდა საბანელი განწმედად. არამედ პნებავს განწმედად წყალთამ; ამას თაყუანისვსცეთ, რომლისაგან პპოვა სოფლმან დღეს დიდი წყალობამ.

დასიდგბელი წმიდისა, მუხლი 5

თქმული ითანე ქოჩოზისძის

განკაფე გუამი შენი, წმიდაო, მარხუთა და განსწმიდე სული შენი, მაშინ მადლითა ღმრთისა მიერითა აღიგსე და მიპრბიოდე წამებად, ვითარცა ზუარაკი შესაწირავად ღმრთისა მრგულიად დასაწველად და აღიარე კადნიერად მბლავრთა წინაშე და სახელს იდევ ქრისტენედ და სთქუ: არად მეშინის ტანჯუათაგან თქუენთა უღმრთონო და თაყუანისვსცემ ღმერთისა ჩემსა სამებით ცნობილისა.

რაჟამს გეუწყა განსრულებად ღუაწლთა მათ შენთამ, წმიდაო და განსლვამ საკრველთა მათგან ქორცთამსა და მისლვამ ღმრთისა, მაშინ უფრომ განსძლიერდი და ოწყე გალობად, ვითარცა რად იგი გალობნ მკუდარსა ზედა და ავაზაკისა თანა ქმიბით: მომიქსენე იქსო მოსლვასა მეორედ დიდებით და შესწირევდი თავსა თუსსა მსხუერპლად, ვითარცა მღდელი ჯერისაებრ და ღირს იქმნე სუფევასა დაუსრულებელსა.

დიდ არს მაღლი ნიჭთა შენთამ, მეუფეო, რომელნი ჰყუენ წმიდათათუს, რომელნი, ქრისტე, სათონ გეყნენს შენ ღირსებითა, რომელმან გამოაცხადე დღეს მოწამე შენი აბო ზეციო ცეცხლისა მოვლინებითა და უჩეენე ყოველთა კაცთა დიდებამ, რომელთა შენთუს იღუაწონ, აწ გევედრებით: მეორებითა მათითა, მოგუმადლე მშკდობამ და წყალობამ შენ მიერი, რამთა მარადის უგალობდეთ სახელისა შენსა.

თქმული სტეფან სანარიანის

განშიშვლდი იორდანეს, ნათლისლებად სიმდაბლით მოხვედ, თუთ მნათობი შეუქმნელი ნათელი, რომლისა მსგავსებითა განშიშვლდა მოწამე შენი აბო და სისხლისა დათხევითა შეიწირა მსხუერპლად შენდა.

აგარის ნათესავთა, მირთა მათ უნაყოფოთა, ნერგთა მათგან ეკლოვანთა, ვითარცა ვარდი შეუნიერი ფერითა მეწამულითა, გამოჩნდა, ნეტარი აბო, და სულნელყო ეკლესიამ ქართველთამ ნელსაცხებელთა წილ, სხურებითა სისხლთამთა, ამას შინა მოწმუნენი გაქმბდეთ ღუაწლთა მათ მისთა.

**დიდებად მამასა და ძესა და წმიდასა სულსა.**

გიხაროდენ, ჭეშმარიტებისა მემიებლობითა აღძრულო და უჯობესისა უდარესისაგან განმრჩეველი; გიხაროდენ, ქუეყანისა შენისა დამტევებელო და ღმრთისმშობლის წილ-ზუედრისა აღმრჩეველი; გიხაროდენ, ჭეშმარიტითა სარწმუნოებითა გულისა შენისა კეთილად განმწმედელო და უძასა მას ისმაიტელთა დიდებასა ქრისტის ჯუარისა ბეჭთა თუსთა ზედა ამღებელო; გიხაროდენ, მათ მიერ დევნილისა სარწმუნოებისა აღმსარებელო და ხარკსა ქუეშე მათსა გუემულისა ერისა შემყუარებელო; გიხაროდენ, თკატომთა შენთა მორის საღმრთოთა სწავლათა განმფენელო; მეოს გვეყავ ჩუენ მაღიდებელთა შენთა, ნეტარო აბო.

**აწ და მარადის და უკუნითი უკუნისამდე, ამინ.**

მოუდრიკე დღეს თავი წინა-მორბედისა, და შემუსრენ თავნი ვეშაპთანი, მოხუედ მდინარედ და განანათლენ ყოველნი, რამთა გადიდებდეთ შენ მაცხოვარსა და განმანათლებელსა სულთა ჩუენთასა.

### **შესვლად. წარდგომა დღისა საწინაწარმტკუველონ;**

#### **საკითხავი 3. წერილ-არს სექტემბრის 13-სა იმიე**

1. წინამსწარმეტყუელება ისაიასი საკითხავი. თავი 43. (ამას იტყვს უფალი: ყოველნი წარმართი შეგრძეს ერთბამად...)
2. სიბრძნისაგან სოლომონისა საკითხავი. (მართალთა სულნი ხელთა შინა ღმრთისათა...)
3. სიბრძნისაგან სოლომონისა საკითხავი (მართალი საუკუნოდ ცხოვნდეს. და უფლისა მიერ...)

#### **ლიტსა ზედა: დასდებელი ტაძრისა, ესრეთ მოწამისა**

##### **თქმული კრიკოლ ნაბძულისა.**

გაძოსჩნდი ვარსკულავად მნათობად, განმანათლებელად ქართლისა, ნეტარო, და ღუაწლი შენი უფრომ ნათელსა მას მზისასა ბრწყინვალედ გამოჩნდა სახედ ელვისა, ბრძენო, საცნაურად სამყაროთა ზესკნელისათა, სახილველად ყოველთა კიდეთა ცისათა, რაყამს ხატ ექმენ უფლისა ნათლისლებასა, და განმიშვლებული შთახედ ემბაზსა ნათლისასა და ორგზის ნათელ იღე წყლითა და სისხლითა, მქნეო აბო! ღმერთსა ეველრე აწ მონიჭებად სულთა ჩუენთათკს დღეს დიდი წყლალობამ.

მკუდრად აღთქმისა გამობრწყინდი და ძედ ზეცისა ჩინებისად იწოდე, ნაშობად აბრაჟაძისა იქმენ, სანატრელო! ისააკ მეორე, ნებსით მოგურილი დაკლვად ძესაწირავად უფლისა, სულად სულნელად გიცნა, ღირსო, ეკლესიამან. და ენითა შკლთა თკსთამთა ქმობს ღუაწლთა შენთა სიმწესა, რომელიცა აწ შეიმკო სახედ ძოწეულისა და განშეუნდა ბრწყინვალედ სისხლითა შენითა მოწამეო! ღმერთსა ეველრე აწ მონიჭებად სულთა ჩუენთათკს დღეს დიდი წყლალობამ.

##### **თქმული სტეფან სანაროსხისა**

შემდგომად ნათლითა განბრწყინვებულისა ამის დღისა, საუფლომსა კრებისა, ქრისტის უფლისა ნათლისლებისა მოწამისა აბომ ბრწყინვალე საქსენებული. ამბორს უყიო სურვილით ღუაწლთა მისთა სიმწესა და შევამკობდეთსაქსენებულისა მისსა წმიდასა.

მოუძლურდა ენად მითხობად ღუაწლთა შენთა, წმიდაო, რამეთუ უკამნასძნელ დაბეჭდვისა დექნულებისასა იარვე სწორად პირველთა მოწამეთა სისხლთა დათხევითა, მქნეო, და მათთანა იხარებ სასუფეელსა, ღირსო, აწ ჩუენცა წარგვართე გზასა მშედობისასა სავანეთა მათ მიმართ საწადელთა, ნეტარო აბო.

#### **დიდებად მამასა და ძესა და წმიდასა სულსა.**

##### **თქმული თანე ქანქოზისხისა,**

მქსნელო, ნათლისლებითა შენითა წმიდითა გუესწავა შეერთებად წყალთაგან სულისად, რომლითაცა აღვსებულმან დღეს ყოვლად ქებულმან აბო, სიკუდილისა სასუმელი შენთანა შესუა, და ვითარცა იორდანეს ნათლისლებითა განმანათლე, აწცა სული სიბრძნისად განმიახლე ჯეროვნად შემამკობელად გამოქსნისა კრებასა და მოწამისა ღირსებით პატივისცემასა.

**აწ და მარადის და უკუნითი უკუნისამდე, ამინ.**

გიხაროდენ, ქალწულო, ღრუბელო და ეტლო სიტყვასაო, გიხაროდენ, უზესთაეს გონებისა და გარეგან საზღურისა, წმიდაო ღმრთისა საყოფელო, გიხაროდენ, უქორწინებელო სულითა ზესთა ღმერთთასა მიდგომილო, გიხაროდენ, თჯიერ თესლისა მშობელო, და თუნიერ ხრწილებისა მაწოვნებელო, გიხაროდენ, მარადის ქალწულო, კურთხეულო.

### **სტიქარონსა ზედა დასდებელი დღესასწაულისა.**

**თქმული ოთხე ქანქოზისძისა**

**მუხლი. პატიოსან არს წინაშე უფლისა სიკუდილი წმიდათა მისთა.**

შეუძლებელ იყო შეუხებელისა უნივორმისა მის შანთისა ღმრთებისა შეხებად, ამისთვის განხორციელდა ძველი და მხოლოდ შობილი განბანად უცოდველი, რომლისა შეიწირა დღეს აბო.

**მუხლი. ნეტარ-არს კაცი, რომელსა ეშინის უფლისა, მცნებათა შინა მისთა ინებოს ფრიად.**

შეერთებულ იქმენ სულითა, ნეტარო, შკლთა თანა აღთქემისამთა გზასა მას ზეცისა ჩინებისასა, რომლისათვისცა გურგუნი ძღვენისა მოგანიჭა მაღლით მაცხოვარმან, მკნეო აბო,

**დიდებად მამასა და ძესა და წმიდასა სულსა.**

კეთილად განშეუნდების დღეს ქუეყანად ჩუენი და ტფილის-ქალაქი განსცხრების, ვითარცა გურგუნითა შემქული შენ მიერ, ჭ, მრავალ-სახელოვანო მოწამეო აბო, ხოლო დღესასწაულიცა ქსენების შენისა მოწამეო აბო, ბრწყინვალედ განათლდების.

**აწდა დღესასწაულისა**

### **კურთხევასა ზედა პურისასა,**

#### **ტროპარი, ქმა 5**

გიხაროდენ გამორჩეულო, მაღლისა მიერ ღმრთისა მამისა, და ძისა, მხოლოშობილისა მიერ წოდებულო; სულისა წმიდისა განბრწყინვებულო, ზეცას უკორცოთა გუნდსა თანა შეერთებულო; მოწამეთა და მართალთა შორის ქებულო; ეკლესიათა შეენიერო სამკაულო, მარტვილთა სიქადულო, მეფეთა სიხარულო, მორწმუნეთა შემწეო, ახოვანო მოღუაწეო აბო, ღმერთსა ევდრე აწ მონიჭებად სულთა ჩუენთა დიდი წყალობად.

**დიდება და აწდა დღესასწაულისა**

### **ცისკრად. ღმერთი უფალსა ზედა**

#### **ტროპარი დღესასწაულისა 2-ვ ზის.**

#### **დიდება წმიდისა და აწდა დღესასწაულისა**

**შემდგომად I ფსალმუნებისა:**

**თქმული ბასილი ბანძოხლისა:**

აღმსარებელნი სამებისანი, მორწმუნენი ადამეანნი, აღმასრულებელნი უფლისა ამას დღესა ნათელითა შემოსილსა, საღმრთომთა მით შესხმითა უგალობდეთ ქსენებასა აბო ახლისა მოწამისასა.

ბუნებითა უზეშთაესი შეიმოსე ბუნებად ჩემი, ღმრთისა სიტყუაო მხოლოდ შობილო, და ნათელს იღე ქორცითა, უცოდველო, რომლისა მსგავსებითა ნათელს იღო მწემან აბო წყლითა და სისხლთა დათხევითა.

უვარისმყოფელთა ქრისტენთა, უშკულითა ისმაიტელთა, ნაშობთა შორის ბნელისამთა ვარსკულავად მნათობად გამოპბრწყინდი, მკნეო მოწამეო აბო, და საღმრთომთანათლითა განანათლენ ქართლისა მყოფნი.

**შემდგომად II ფსალმუნებისა, წარდგომა დღესასწაულის; შემდგომად საღიდებელისა წარდგომა წმიდისა (იხ. საღდესასწაულოში)**

**აღსავალი I, მეოთხეს ხმისა;**

სიყრმით ჩემითგან ფრიად მბრძვანან მე არაწმიდანი კნებანი, ამისთვის გეველრები: შემწე-მეყვავ და მიქსენ სახიერ.

#### დიდებამ...

რომელთა გმულთ სიონი, სირცხულეულ-იქმნენით უფლისა მიერ, და ვითარცა განკმული თივამ შეგჭამნესთ გენიამან.

#### აწდა...

სულისა მიერ წმიდისა ყოველი სული ცქოველ-იქმნების და სიწმიდით ამაღლდების და განპატიჟინდების სამებისა მიერ ერთ-არსებისა, ღმრთივშუენიერად და საიდუმლოდ.

#### წარდგომა ხმა 7: პატიოსან-არს წინაშე უფლისა სიკუდილი წმიდათა მისთა.

მუხლი. რამ მივაგო უფალსა ყოვლისავეთკს, რომელი ესე მომაგო მე.

ყოველი სული... სახარება მათესი, თავი 10. მუხლი 16. (რქეა უფალმან თუსთა მოწაფეთა, აპა მე მივაგლინებ თქუენ...) დასასრული, მუხლი 23-მდე. (იგი ცხოვნდეს..)

შემდგომად 50-ე ფსალმუნისა, დასდებელი წმიდისა (იხ. სადღესასწაულოში) .

### კანონი ღმრთისმშობლისა. მუხლი 6

#### კანონი წმიდისა მოწამისა სამი:

1. გალობანი ნათელობანი და ღუაწლით შემოსილისა უძლეველისა ძოწამისა აბო ისმაიტელ-ყოფილისა ქართველისამ, თქმული თოანე ქონქისიძისანი

2. გალობანი ნათელობანი და აბო ისმაიტელ-ყოფილისა ქართველისანი, თქმული სტეფანე ჭყონდიდელისა, სანაომისძისა

3. გალობანი ნათლისდებისა და წმიდისა ძოწამისა აბოსა, თქმული გრიგოლ ხანძიელისა.

#### გალობამ 1, უგალობდითსა,

თოანე ქონქიზიძისამ, ქმა. 4

**ძლისპირი:** ზღუამ უგალი, რომელი მყარ ქუეყანა იქმნა პირველად ბრძანებითა შენითა გამოუთქმელო ღმერთო, შეიწყნარა მან ერი ისრაელისამ, რომელთა შეგიმზადეს ძლევისა გალობამ.

რომელმან იორდანეს ნათლისდებითა განმანათლე, აწცა სული სიბრძნისამ განმიახლე ჯეროვნად შემაგობელად გამოქანისა კრებასა და მოწამისა ღირსებით პატივცემასა.

მქსნელო, ნათლისდებისა შენითა წმიდითა გუესწავა შეერთებამ წყალთაგან სულისამ, რომლითაცა აღსცებულმან დღეს ყოვლად ქებულმან აბო, სიკუდილისა სასტელი შენთანა შესუა.

დიდებამ მამასა და ძესა და წმიდასა სულსა,

შეგინტერესისა მის სარწმუნოებისა მოძღურთა სამსჯავროდ მიგცეს, ღირსო, ვითარცა პავლე პრომედ პურიათა მათ და უშჯულომან მძლავრმან განაჩინა შენთვის სიკუდილი საწადელი.

აწ და მარადის და უკუნითი უკუნისამდე, ამინ

სასაკუმევლშ ოქრომასამ, და ტაგუკი მანანავსე მის, და კუერთხი აპრონისი მოასწავებდეს შენთვის, და კიდობანი სიტყუათა საღმრთოთამ სახე გექმნებოდა შენ, დედაო ღმრთისაო.

#### გალობამ 1, უგალობდითსა

სტეფანე სანაომისძისამ, ქმა. 4

**ძლისპირი:** ზღუსა მის მეწამულისა ღელვათა ვიდოდა პირველად ოდესმე ერი ისრაელისამ, და კელთა განცყობითა მოსე ჯუარის სახედ ძალი იგი ამაღლებისამ უდაბნოს დასცა.

იესო ღმრთისა სიტყუაო, მასწავენ ჩუენ სიტყუად სიბრძნისამ ქებად ნათლისდებასა წმიდასა შენსა და ღირსად გალობად უძლეველთა ღუაწლითა მოწამისა აბო, კეთილად მოღუაწისამთა.

რომელიცა განშემულდა დღეს იორდანესა შინა კორცითა, სანატრელმან მოწამემან აბო მისთვის განიძარცუა ძუელი კაცი საქმითურთ, და შეიმოსა ძალი ქრისტისი.

ყოველნი თესლნი მოვედით მკადრთა თანა ქართლისათა დღეს, და იხილეთ ღუაწლისა მძლეს აბო, განშემებული ბრწყინვალედ სისხლითა წამებისამთა, ღირსად გალობით მას უგალობდეთ.

სამ ნათელსა სამებასა თაყუანისეც ნათლისღებითა, სისხლითა, ცეცხლითა და სულითა, დიდებულო მოწამეო აბო, და პმეოხებ სულთა ჩუენთათკს.

#### ღმრთისმშობლისა

დედასა ნათლისასა შეჰვედრე სული შენი, მოწამეო, სიყუარულისათკს ძისა მისისა სისხლისა დამთხეველმან, აბო დიდებულო.

#### გალობამ 1, უგალობდითსა

გრიგოლ ხანძთელისამ, ქმად 5

**ძლისპირი:** ეტლთა სიმრავლშ მკერძობითურთ ზღუასა მეწამულსა სიღრმესა შთათხხინეს სიმტკიცითა მკლავისამთა ქრისტეს მიერ და იქნეს ისრაელი, და ძლევისა გალობასა ახლად იტყოდეს.

ნათელთათკს: დაღაცათუ დამბადებელმან სიტყუამან ღმრთისამან შეიმოსა კაცებამ და მით ნათელ იღო ჩუენთკს, ხოლო არათუ ბუნებით შეირწყუნეს ღმრთებამ და კაცებამ, არამედ შეიყვნეს.

დაღაცათუ ვითარცა ტრედი იხილვა გუამითა დღეს სული უხილავი ნათლისღებასა ქრისტესა, არამედ არა ბუნებითა აქუნდა გუამიწებისა ხატი, გარნა მსგავსებითა.

ამოხთუს: შემდგომად დიდისა მის დღისა დღესასწაულისა განმანათლებელისა ნათლისღებისა უფლისა, შევამკო აწ ერნო, მოღუაწისაცა ახლისა მოწამისა ქსენებამ აბომისი.

რაჟამს მოწია ბაბილონდ მთავარი ქართლისამ, მაშინ ნეტარი აბომ, შჯულითა ისმაიტელი შეიწყნარა განგებითა ღმრთისამთა და მის მიერ გულისქმა ყო ძალი ქრისტესი.

განიზრახა გულისქმის-ყოფით მედგრობამ შჯულისა თჯსისა მამაულისამ ქრისტესმოყუარემან აბო და მყის დაუტევა სიცბილი იგი პირველი, და აღიარა ქრისტეს ღმრთებამ.

#### ღმრთისმშობლისა

გუნდმან წინამსწარმეტყუელთამან წინამთ მოგასწავა შენ მთად საღმრთოდ და კარად განუვლელად, ამისთკსცა გევედრებით: კარნი სინანულისანი საღმრთონი განგზუენ ჩუენ, ქალწულო.

#### გალობამ 3, განძლიერდასა

იოანე ქრისტისხისამ

**ძლისპირი:** ბუნებით ღმობიერ იქმენ, მქნელო, ბუნებასა ჩუენსა უძლურსა, რომელიცა შეიმოსე, ღმრთებით განაძლიერე და ღალადებს: არამ ვინ არს წმიდამ შენებრ, კაცთ-მოყუარე.

თავისუფალი იყვნეს ცოდვისაგან ქორცნი შენი შეერთებულნი ღმრთებასა სიწმიდით, არამედ ნათლისღებითა განაგე კაცთა წყალთაგან განმარცუამ ცოდვისა, მქნელო.

მსახურნი იგი სამებისანი უხილავნი თანადგეს მაცხოვრისა ნათლისღებასა გარემოს საღმრთოსა საბანელსა, წმიდაარსობითა აქებდეს მხოლოდ-შობილსა ძესა ქორცითა ჩუენთუს ნათელდებულსა.

ქმითა მამისამთა და სულისა მოსლვითა და იორდანისა კუალად ქცევითა გქადაგა წინამორბედმან ძედ ღმრთისა, რომლისა მოისწრაფა დღეს სიკუდილი ნეტარმან აბო.

მსგავსი მამათმთავრისამ ქალდეველთა ქუებანისაგან გამოსლუთა და მოწამშ ქრისტეს ვნებათამ ღირსებით იდიდები მორწმუნეთაგან შესხმითა, ყოვლად ქებულო,

#### ღმრთისმშობლისა

გამოშჩნდი ღელედ დაუთესველად, განმამრავლებელად იფქლისა, და შენ მიერ მოვიდეთ ჩუენ თავწარსხმული ცხოვრებისამ, და რომელი ვეზიარებით, მოვიღებთ მისგან უკუდავებასა.

#### სხუამ გალობამ

სტეფანე სანანოსხისამ

**ძლისპირი:** იხარებს ეკლესიამ შენდამი, ქრისტე, და ესრეთ ღალადებს: სასოდ ჩემი ხარი შენ, განმაძლიერე, დამბადებელო.

მაცხოვრისა თანა ნათელსიღე, შთახედ რამ ემბაზსა ღუაწლისასა, ვითარცა მქსნელი ჩუქნი იორდანესა, და სისხლისა დათხევითა განპბანე გუამი შენი, რაჟამს დაიკალ უწყლოდ მახჯლითა.

სისხლითა შენითა, ვითარცა ძოწეულითა, შეამკევ ეკლესიამ წარმართთამ, მქედარო ქრისტისო, უძლეველო, და შეპკრიბენ მას შინა ერთობით ფოველი მგალობლად ღუაწლთა მათ შენთა.

არცხვინე, ნეტარო, ნაშობთა მათ მქევლისამთა უღმრთოთა და დაუყუენ პირნი მათნი მგმობარნი საღმრთომთა მით სიბრძნითა ზეგარდამომთა, რაჟამს ჰქადაგე სამებამ ერთ-ღმრთებამ.

#### ღმრთისმშობლისა

შენ გავედრებით, დედაო ღმრთისაო, მეოხებითა წმიდისა მოწამისამთა, საფარეველსა შენდა მოლტოლკლნი მარადის განგუარინე საცურისაგან მტერისამთა.

#### სხუა გალობამ

##### გრიგოლ ხანძთელისამ

**ძლისპირი:** რომელმან დააფუმნე ქუეყანამ წყალთა ზედა და მიეც ნაყოფიერებამ ყოლადვე, კლდესა ზედა, ქრისტე, მცნებათა შენთასა შეუძრავსა დამტკიცე ეკლესიამ შენი, მხოლოდ სახიერ და კაცო-მოყუარე.

**ნაუელთაუჯ:** ღმრთად იცნა ქრისტე იორდანემან და შეძრწუნდა ძალისა მიგან ყოვლად შეუძრველისა, დასცხრა ოხრისაგან. ღუმილით ისწავა კრძალულებით განბანად საუფლოთა კორცთა შემოქმედისა ყოველთა ღმრთისა.

მსახურნი იგი სამებისანი უხილავნი თანადგეს მაცხოვრისა ნათლისდებასა გარემოს საღმრთოსა საბანელისა, წმიდაარსობითა აქებდეს მხოლოდ-შობილსა ძესა კორცითა ჩუქნთუს ნათელდებულსა.

**აძოასთუჯ:** ბნელთა მათ აერთა ღრუბელთა უნაყოფოთა, ვითარცა ვარსკულავი ცისამ გამობრწყინდა ქრისტისა მოწამეს. და არეთა შინა ჩრდილომხათა მზეებრ გამობრწყინდა სანატრელი აბო და ჰანათობს ქართლისა მკუდრთა.

ყუავილი სულნელი ძირთაგან უნაყოფოთა გამოჩნდა ფერითა მით მეწამულითა, და სულმან წმინდამან აღიტაცა ზეცად გონებითა, და მუნ უჩუენა შუებამ წმიდათამ ყუავილოვანსა სამოთხისასა.

მეცნიერთა მათ მძუგარეთა და სისხლისა მჭამელთა, მარადის მტერთა სულისა წმიდისათა, რაჟამს გულისკმა ყვეს სარწმუნოებამ მიუქცეველი, რომელი აქუნდა ნეტარსა აბოს, განიზრახეს მათ წარწყმედამ მისი.

#### ღმრთისმშობლისა

მარჯუენით ქრისტეს მდგომარემან, ვითარცა დედოფალმან შემოსილმან, ღმრთივსახარულევანო, სამოსლითა ოქროვანითა, სუფევამ ზეციერი გუთხოვე ჩუენ, მეოხებითა შენითა, ქალწულო, ყოვლადწმიდაო.

#### კონდაკი და იკოსი ღღესასწაულისა

##### წარდგომამ წმიდისა, ქმა 8

შემდგომად ყოვლად დიდებულისა ქრისტის განცხადებისა, მოიწევა წმიდამ საქსენებელი შენი, ვითარცა რამ საწუთომხათა მის კრებისა შემდგომი კრებამ, წლითი წლად ბრწყინვალედ მოწევნული, მქედარო ქრისტისო, უძლეველო აბო, ამისთუს შემოკრებულნი ესე სულიერად მას შინა ღიღებისვმეტყუელებთ ღმერთსა ყოვლად ძლიერსა, რომელმან გამოგირჩია შენ, ვითარცა ვარდი სულხელი, და მოწამედ თუსად გამოგაჩინა, და გურგუნითა ძლევისამთა შეგამკო, და ესრუთ გიღაღადებთ: ევედრე ქრისტესა ღმერთსა, ცოდვათა მოტევებისა მონიჭებად სურვილით მედღესასწაულეთა წმიდისა ქსენებისა შენისამთა.

2-გზის

დიდებამ, აწდა ღღესასწაულისა

## გალობად 4, უფალო მესმას

იოანე ქონქოზისძისა

**ძლისპირი:** განზრახვამ საიდუმლომ შობამ შენი ქალწულისაგან, დამბადებელო, რაჟამს იხილა, დაუკურდა ამბაკუმს და შიშით ღაღადებდა: დიდებამ ძალსა შენსა, უფალო.

რომელი ქრისტეს თანა დავეფლენით, ნათლისლებითა ვემსგავსებით მას განზრახვათაგან განხრწნადთა განვეშორნეთ და ესრეთ ღავიცვეთ ბეჭედი ნათლისამ, დამქანელი სიკუდილისა.

რომელმან შინაგანი სახედველი საღმრთომთა ხილვითა წმიდა პყუენი, წინამორბედო, შენგან ნათელსლებულსა, დღეს მოსწრაფედ შეუდგა აბო, და მისთვის სიკუდილი დაითმინა.

ტრფიალ იქმენ სჯულსა მას სულიერსა, რომელმან განგათავისუფლა შენ საშჯელისა მისგან სიკუდილისა და ქრისტეს ნათლისლებისა მსგავსებითა ჭეშმარიტად შკლ ექმენ აბრაჰამს.

### ღმრთისმშობლისა

შენ მარადის ქალწულსა, ჭეშმარიტად ღმრთისმშობელსა გიგალობთ, რომელსა იგი მაყუალი სახე გექმნა, რომელი იხილა მოსე ზედა მთასა სინასა მოტყინარტ ცეცხლითა.

### სხუად გალობად

#### სტეფანე სანანოსძისა

**ძლისპირი:** იხილა რამ ეკლესიამან მზტ სიმართლისამ ჯუარსა ზედა ამაღლებულად, დადგა იგიცა წესსა ზედა თუსსა ღირსად და ესრეთ ღაღადებდა: დიდებამ ძალსა შენსა, უფალო.

სიყუარულისა საკრველმან შეკრა გონებამ მოწამისამ, მოთმინებად სატანჯუელთა ურიცხუთა, რომლითაცა დამხუა, სიქადული უღმრთოთამ.

შფოთი დაუტევე მამულთა მათ მედვრობათამ და ქრისტესა შეუდეგი, წმიდაო, და ვნებათა თავსდებითა ემსგაესე მას, ნეტრუელო.

უცხო იყავ და სტუმარ, შჯულითა საღმრთომთა, მქნეო მოწამეო, არამედ მოისწრაფე და სახლეულ იქმნენ მცნებათა მისთა, ღირსო.

შეუდეგ ქმასა ღმრთოებისასა და მცნებამ მისი აღბეჭდე, გულსა შენსა, წმიდაო აბო, ვეღრე მას მოტევებად ბრალთა ჩუენთა.

### ღმრთისმშობლისა

მშობელო დაუვალისა მზისაო, ქალწულო მარიამ, მეოხებითა სანატრელისა მოწამისამთა დაგვიცვენ ხილულთა და უხილავთა მტერთაგან, შეიწრებასა მწარესა მიცემულნი.

### სხუად გალობად

#### გრიგოლ ხანძთელისა

**ძლისპირი:** ესმა მოსლვამ შენი დიდებული, დაუკურდა ამბაკუმს, ქრისტე, და შიშით ღაღადებდა: გამოხუედ მაცხოვრად ერისა შენისა და ქინად ცხებულთა შენთა.

ნათელთათუ: კბილთა მათ გულისათა გესლოგან ყვეს პირველქმნული, ხატად ღმრთისა დაბადებული, ხოლო ქრისტიმან იორდანესა განბანიტა კუალად განასპეტაკა ხატებამ

ვითარცა იხილა ნათლისმცემელმან დაუსაბამომ ნათელი ნათლისლებად მომავალი ქრისტე, ღმრთად იცნა და კრავად სახელდვა, რომელი დაკლვად იყო სოფლისთუ.

ამოსთუ: ეძიებდეს შეპყრობად მოწამესა ქრისტესასა უშჯულონი, ხოლო იგი ნევსითა მიეცა კელთა მათთა, ვითარცა მქნელი, მოსიკუდიდ კელთა მტერთა მისთამთა.

რამეთუ ცხორებამ ჩემი ქრისტე არს – სიკუდილი შესაძინელ არს – ესრეთ ქმობდი, ქრისტეს მოწამეო, წინაშე უშჯულოთა მძლავრთა, და მისთვის დასთხიენ სისხლნი შენი.

ისწავებდა წიგნთაგან და მოძღუართა ღირსად სარწმუნოებასა და წესისა შჯულსა წმიდამ აბო, და სიხარულით აღიღებდა მამასა მით და სული წმიდითურთ.

### ღმრთისმშობლისა

შემეწიე მე, წმიდაო ღმრთისმშობელო, გემოვნებითა მიერ ქორციელთა მარადის დანთქმულსა, რომელი ესე გაუნესი მარადე მდებარე ცხედარსა ზედა მოწყინებისასა.

## გალობად 5, ღამითვანსა

ოთახი ქონქოზისხისად

**ძლისპირი:** ნაწილ ჩემდა ხარ, ქრისტე, რამეთუ შენ მხოლომან მიქსენ მე ბნელისაგან წყუდიადისა უგუნურებისა ნათლითა მით ღმრთებისამთა, და შენდამი ვდალადებ: მშკდობად შენი მომეც ჩუენ.

სრბად ბუნებისა შჯულთად დასცხრა, რაჟამს შეუწერელმან ღმერთმან ნათლისღებითა მიანიჭა დაფარულთა მწიკულევანებათა განბანად კაცთამ და კუალად ნეტარებად მოვცა ემბაზისაგან წმიდისა.

ქმად სიტყუსა საღმრთომსად, სინაულისა მქადაგბელი იხარებს ღმერთსა განკაცებულსა აღსრულებად ქსნისა ჩუენისა საიდუმლოსა, რომლისათვის მოწამე აბო, მეორედ შობასა მოიგებს სისხლითა თჯითა.

გონებად შენი, ღირსო, ღმრთისა კეთილთა მცნობელ ჰყავ და სიტყუად შენი ქრისტეს ქადაგ ჰყავ და სულისა განწმედითა შეამკევ ხატებად ღმრთისამ, რომლისათვის იხარებს განშუენებული გურგუნითა დაუჭინობელითა.

ღმრთისმშობლისა

აღესრულნეს შენ ზედა წინასწარმეტყუელთა თქმულნი, რამეთუ შენ მუცლად-ილე, ღირსო, დამბადებელი და გუშევ ჩუენ ქორცითა ძხ დაუსაბამო, რომელ არს ევმანოელი წმიდამ, მომცემელი მშკდობისამ.

## სხუად გალობად

სტეფანე სანათოსხისად

**ძლისპირი:** შენ, უფალო, ნათელი ხარ მომავალი სოფლად, განმანათლებელი გულთა მორწმუნეთა შენთასა, რომელი თაყუნის-გცემები.

შენ, უფალო, იორდანეს განაქიქე მაცური, შენვე განამტკიცე გული მოწამისა აბომსი, რომლმანცა აღგიარა.

ჰყობილ იქმნებ ძურის მოქმედებრ, აბო სანატრელო, არამედ გამოიქსნიდი სულთა მიმდლაცრებულთა მტერისაგან ბოროტისა.

ნათლისღებად სამი მოიგე, მოწამეო, წყლითა, სულითა და სისხლითა, და შემდგომად ცეცხლითა გამობრწყინდა ღუაწლი შენი.

მარხვითა განიკაფე შენ დიდისა ანტონის მსგავსად, წმიდაო აბო, და მოაკუდინენ ქორცი და ღირს იქმენ წამებისა გურგუნსა.

ღმრთისმშობლისა

წინა გიძლოდა ქალწული მარიამ გზასა ქართლად მყვანებელსა და გყო მოძღუარ ერისა მორწმუნისა, ნეტარო აბო, ამისთვისცა ნუ დააცადებ ოხასა მაქებელთა შენთათვის.

## სხუად გალობად

გრიგოლ ხანძთელისად

**ძლისპირი:** რომელმან შეიმოსე ნათელი სამოსლად, შენდა მოვილტი, შენ გიღალადებ: განანათლე სული ჩემი დანელებული, ვითარცა ხარ მხოლომ, მრავალმოწყალე.

ნათელოთათვის: რომელმან განახუნა საქანელი ცისანი და წყალი იგი ზესკნელისანი დამოადინა ქუეყანად. დღეს განიბანების ქორცითა იორდანისა წყალთა.

რომელმან შექმნა ზღუად ესე დიდი და ვრცელი და ქმელი ქელთა მისთა დაბადეს, დღეს იგი ნათელსა იღებს – დაუდამებელი ნათელი, თუმნათობი არსებამ.

აბოსთვის: ეტყოდა რაო აბო ნათესავთა მათ თჯითა: კეთილ არს დატევებად ბნელისად და მოსწრავებად ნათელსა ღმრთისა მეცნიერებისასა, მოხებად სამებისა.

ესმა რაო ესე ერისა ისმაიტელთასა, აღეგზნეს ცეცხლებრ გულისწყრომითა და მკეცებრ იღებენდეს კბილთა, რამთა მისცენ იგი მოსიკუდიდ, აბო ქრისტეს მოწამეს.

არად შეპრაცხა განრისხებად უშკულოთად და არცა ყოვლად ზარგანხდილ იქმნა, რამეთუ უყუარდა ქრისტეს, და არა დასცხრებოდა კითხუად წიგნებთა მათ საღმრთოთა.

ღმრთისმშობლისა

რომელსა იგი ვერ მისწვდების გონებად, ქორცნი შეიმოსნა, ღმრთივმიმაღლებულო, და შენ სამკადრებელად თჯად შეგიწყნარა და იქსნნა კაცნი.

## **გალობად 6, ღარადფავსა**

იოანე ქონქოზისძისა

**ძლისპირი:** ცოდვისა სიღრმეთა დამთქეს მე, ვითარცა იონა ზღვსა უფსკრულთა, და ვდადადებ შენდა მიმართ, სახიერ და კაცო-მოყუარე: აღმომიყუანე, ვითარცა იგი, განხრწნისა მისგან.

ძემან ღმრთისამან ბუნებით ძმად გუწოდა ჩუენ მადლით, რაჟამს იგი ბუნებად ჩუენი მიიღო და განწმედისა ჩუენისათუს განწმედად თავს იდვა უცოდველმან წინამორბედისაგან.

ჭეშმარიტად სოფლისა ქსნისა დასაბამ არს დღესწაული ესე, მამისა ქმად და სულისა მოსლვამ განკაცებულსა მას ღმრთად გვაუწყებს, რომლისათუს აბო სიკუდილსა თავს იდებს.

რომელი იქმენ პირმშომ მგუდართად და გზად სიკუდილისად წყარო ცხოვრებისა ჰყავ მორწმუნეთათუს, დღეს შენთუს მიიღო სასუმელი იგი განმაცხოველებელი მახულითა მოწამემან აბო.

### **ღმრთისმშობლისა**

იქმენ სამკუდრებელად ღმრთისა, ქალწულო, უსბლოო, რომელსა გუნდი უსხეულოთანი თუალთა მიდგმად ვერ შემძლებელ არიან, ესე საშომან შენმან უცხოდ დაიტია.

## **სხუად გალობად**

სტეფანე სანანისძისა

**ძლისპირი:** ღალადებდა წინასწარმეტყუელი იონა უფსკრულით გამო და მოასწავა სახე სამ დღე დაფლვისად და იტყოდა: მიქსენ განკრწნისაგან, იესუ, შენ, მეუფეო ძალთაო.

ღალადებდა კათინიერად სანატრელი აბო და ეტყოდა უშჯულოთა ისმაიტელთა: განმეორებით მე, შ, უკეთურნო, და გამოვიძინე ღმრთისა მცნებანი.

განმიშულდი შენ, სათნოებათა მოგებითა, ღირსო, და ჰყუაოდე გურგუნითა მოღუაწებისამთა სრულითა და ესრეთ ქმა ჰყავ, მენეო: სასო ჩემდა არს ქრისტე ღმერთი.

ღუაწლსა სრულსა მენედ გამოჩნდა მოწამე აბო და აღავსო ეკლესიად სურნელებითა ნელსაცხებელთათა და წმინდა ყო ერი – მადლითა საღმრთოთა გამორჩეული.

ისწავებდა წიგნთაგან და მოღუართა ღირსად სარწმუნოებისა წესსა და სჯულსა ნეტარი აბო და სიხარულითა აღიდებდა მამასა და ძესა და სულსა წმიდასა.

### **ღმრთისმშობლისა**

ვითარცა გიხაროდენი ქალწულმან, ეგრეთ შეიწყნარე ქმად ზეციერი ვნებათათუს შენთა, და ვითარცა ტარიგი ქუეყანით, შეეწირე ტარიგსა უკუდაგსა.

## **სხუად გალობად**

გრიგოლ ხანძთელისა

**ძლისპირი:** გარე-მომიცვეს ღელვათა, და მექმნა საფლავ მუცელი ვეშაპისა, და გიღაღადებ: მიქსენ მე, კაცო-მოყუარე, და მაცხოვნე მე, მრავალმოწყალე უფალო.

ნათელოთათუს: ზეცით ჰეთადა უფსკრულსა იორდანესა ზედა უფსკრულსა მას სიბრნინისასა მამამან ძესა ქორცშესხმულსა. და ესე ესმა იორდანეს, ვითარმედ – ესე არს ბუნებით ძე ჩემი და თანასწორი არსებად დაუსაბამოა.

დღეს ღუმან მდინარენი და ოხრიან აერნი, ღრუბელნი სამყაროთანი აცურუევნ ცუარსა მას საღმრთოსა. შეითქუნეს მეტყუელი და უტყჷ, იოანე და იორდანე, და შიშით განბანეს ქორცნი მენელისანი უცოდველნი.

ამოასთუს: მოიწია რად აბომს ჟამი ძოლუაწებისა, მყის მოიწინეს მსახურნი უშჯულომსა მსაჯულისანი. შეიპყრეს მოწამეს ქრისტესი, და შეკრული საკრველითა მით სამშვავროდ მისცეს უმშვავროდ და ჰგუემდეს მსგავსად მენელისა.

განიხარა ნეტარმან საპყრობილესა შინა უმშვავროდ გუემად ქრისტესთუს და იწყო დაუცადებელად სულთქმითა ქმობად ქრისტეს მიმართ: „აპა, ესერა სიხარულითა დავსდებ შენთუს სულსა ჩემსა, შეივედრე, მაცხოვარო!“

აუწყა მას ქრისტემან უამი აღსრულებისამ, მისცა სიმქნშ გულსა მისსა, და სიმტკიცშ გონებასა მისსა, მას უამსა პრქუა მის-თანათა მათ: „აწ არღარა საღა მიხილოთ, რამეთუ მსურის მე განსლვად და ქრისტესა თანა ყოფად“.

#### ღმრთისმშობლისა

გულსა შენსა განვლო მახჯლმან, იხილერად ჯუარსა ზედა ძმ შენი, უბიწო ქალწულო, და საღმრთო გურდი მისი ლახურისა მიერ მოწყლული და გოდებდ სიმწარით.

#### კონდაკი, ქმად 4

დღესასწაულოს დღეს ეკლესია, პატიოსანსა ქსენებასა შენსა და შემოკურებს შეკლთა ემბაზისამთა, შენისა მის ღუაწლისა და უძლეველისა ახოვნებისა ქებად და დიდებად, თუალო მოწამეთაო აბო.

იკოსი, ქმად 4 (იხ. სადღესასწაულოში)

#### გალობამ 7, კურთხეულარსა

იოანე ქრისტისძისა

**ძლისპირი:** არად მსახურეს დაბადებულსა ღმერთშემოსილთა დამბადებელისა წილ და შეურაცხ-ყვეს ცეცხლისამ შემწუველი სატანჯველი და ესრეთ იტყოდეს: ამაღლებულო ღმერთო მამათა ჩუენთაო, უფრო მად კურთხეულ ხარ შენ.

ემბაზსა მას გამოქსნისასა დღეს მდინარესა განმაცხოველებელსა იორდანესა უსხეულოთა განწყობილებად გარე მოადგეს, რომელი ნათელღებულსა შეასხმენ, საუკუნეთა მფლობელო ღმერთო, კურთხეულ ხარ შენ.

ნათლისღებად წყლითა და სულითა შენთანა აღასრულა მოწამემან და სახუმილიკა ვნებათა შენთამ შესუა და გალობით ღაღადყო: აღმაღლებულო ღმერთო, მამათა ჩუენთაო, უფრო მად კურთხეულ ხარ შენ.

გონებითა მიიცვალე შენ უზეშთაესსა ცხოვრებასა წმიდათა შეერთებასა და ბოროტა შემინებად სიცოფედ შეპრაცხე და სოჭე: ამაღლებულო ღმერთო მამათა ჩუენთაო, უფრო მად კურთხეულ ხარ შენ.

#### ღმრთისმშობლისა

სიტყუათაგან სულიერთა მოგუესწავა ჩუენ სამებისა ბალი და აღვიარებთ ყოველნი ერთსა ღმრთებასა და გალობით ვიტყუთ: ამაღლებულო ღმერთო მამათა ჩუენთაო, უფრო მად კურთხეულ ხარ შენ.

#### სხუად გალობამ

სტეფანე სანანოსძისა

**ძლისპირი:** საკუმილსა შინა აბრამენი ყრმანი, მოგუთა მიერ კრულნი საღმრთოთა სჯულთათჯს, შეითხინეს და ალსა მას ღალადებდეს: კურთხეულ ხარ, ღმერთო, ტაძარსა მას სიწმიდისა შენისასა.

მოიძულე შენ, სიცრუეით შეთხეული იგი ისმაიტელთა მოძღურებად და შეიყუარე ქრისტეს მცნებად და სიხარულითა ღაღადებდი: კურთხეულ ხარ შენ, უფალო, ღმერთო მამათა ჩუენთაო.

იყავ, ნეტარო, კეთილად შემზავებელ ნელსაცხებელთა სულნელთა და დაუტევე მსწრაფლ და მიხუედ სურვილით ქრისტეს ნელსაცხებელთა კუალსა და პრბიოდე, მსგავსებითა გნებათა მათ მისთამთა.

გეტყოდა მძღავრი ღინებით: რახსა დაუტევე შჯული ჩუენი და წინა აღუდგები შენ შჯულითა მით, რომელი არა ვისწავეთ ჩუენ, და აწ განიკაფოს გუამი შენი მრავლითა სატანჯველითა.

არად შეპრაცხე განრისხებად მათი, ნეტარო აბო, არცა ყოვლად ზარგან კდილ იქმენ, რამეთუ გიყუარდა ქრისტე და განკურვებული შურითა საღმრთოთა კუალსა მისსა მოსწრაფედ შეუდეგ.

#### ღმრთისმშობლისა

ღმრთისმშობელო ქალწულო, წმიდამ აბომ გევედრების: დაიცევ ერი მორწმუნშ ყოველთა ზედა მოსლვისაგან მტერთამსა და ძლევამ მოპმადლე ერსა ჩუენსა.

## სხუამ გალობაად

გრიგოლ ხანძთელისაა

**ძლისპირი:** უფროოშსად ამაღლებულმან ღმერთმან მამათა ჩუქუნთამან საკუმილი მოტყინარშ ყრმათა მათ განუქარვა და იგინი ღაღადებდეს: ღმერთო, შენ კურთხეულ ხარ.

**ნათელთათჯ:** შეინანა დაბადებამ კაცისამ დამბადებულმან და რისხვით აღქოცნა წყლითა ნოვეს-ზე ნათესავნი, აწლა მითვე წყლითა მქნელმან აღქოცნა ცოდვანი ჩუქნი.

ღმრთებისა სამჭედურმან შთაიცვა, ვითარცა მატლი მიწისაგანი ბუნებამ და მით მოინადირა წყალთა მათ შინა ვეშაპი მომზირალი ბრჭალთა ჩუქუნთამ.

**აძღვთუზ:** აღეგ ზნეს გულისწყრომითა უღმრთონი ისმაიტელნი ჰაბომსათჯს მოღუაწისა და ეტყოდეს მსაჯულსა: „წარწყმიდე მაცთური ესე, მკიომი შჯულისა ჩუქნისად!”

მოპყუანდა ვითარცა კრავი ნებსითა დაკლვად ქრისტისთჯს გზასა მას წამებისასა: იშუებდა სიხარულით, მოუდრიკა თავი კრმალსა, შეკვედრა სული უფალსა.

ძისა აღმსარებელი, მამისა მადიდებელი, მაქებელი სულისამ მოშურნეთა კელითა დაიკალ, ვითარცა კრავი, და შეიწირე მსხუერპლად ღმრთისა, მას ევედრე შეწყალებად სულთა ჩუქუნთა.

**ღმრთისმშობლისა**

აღმოგჯბრწყინდა ჩუქნ შენ მიერ მზშ იგი დაუღამებელი, ღრუბელო ბრწყინვალეო, ქრისტშ ღმერთი ჩუქნი, განმანათლებელი უმეცრებისა ბნელსა შინა მყოფთა, ღმრთისმშობლო.

## გალობაად 8, აკურთხევდითსა

იოანე ქონქოზისძისაა

**ძლისპირი:** ყრმანი ბრწყინვალენი საკუმილისაგან პირველად იქნა შობილმან ქალწულისაგან, რომელთა მოასწავეს ქნად ჩუქნი საცოურისაგან, და ნათლითა შემოსილნი მათ თანა ვიტყოდით: უფალსა უგალობდეთ ყოველნი და უფროოშსად ავამაღლებდეთ მას უკუნისამდე.

საკუმილისა იგი შემწველობამ ღმრთისა სიტყუამან შემაცვრეველ ყო ყრმათათჯს, ხოლო დღეს ნათლისღებითა წყალთა ბუნებათა მისცა, ცოდვათა შემწუველობამ ნათლემდებელთა, რომელი კმობენ: უფალსა უგალობდეთ ყოველნი და უფროოშსად ავამაღლებდეთ მას უკუნისამდე.

ეპა სახიერებამ შემოქმედისამ, რამეთუ დაბადებულთათჯს უსწრო და გზამ ცხოვრებად მიმყვანებელი პირველად აღასრულა, რამთა, რომელი ნათლისღებითა განახლდენ, ცხოვრებასა ზიარ იყვნენ, ამისთჯს მკურვალედ მოისწრაფა მისთჯს სიკუდიდ მოწამემან აბო.

გუამი შენი შრომითა განწმედილი საღმრთოოშსა ცეცხლისა შეერთებითა, ღირსო, მას ეგზებოდა, არამედ მოშურნეთა მათ ცეცხლითა დაწუეს, რომელსა პატივს ვსცემთ მეტყუელნი: უფალსა უგალობდეთ ყოველნი და უფროოშსად ავამაღლებდეთ მას უკუნისამდე.

**ღმრთისმშობლისა**

არსებამ პირველი, მიზეზი ყოვლისა დაბადებისამ გიცით ღმერთი დაუსაბამოო, და გქადაგებთ შშობელად თანასწორსა სიტყუასა და აღმომაცენებელად სულისა და ვიტყუთ: უფალსა უგალობდეთ ყოველნი და უფროოშსად ავამაღლებდეთ მას უკუნისამდე..

## სხუამ გალობაად

სტეფანე სანანოისძისაა

**ძლისპირი:** მქნელო ყოველთაო, ძლიერო ღმერთო, ცეცხლსა შეთხეულნი ყრმანი იქნენი, რაჟამს-იგი შეაცურიე, საკუმილით ღაღადებდეს: აკურთხევდით დღეს საქმინი უფლისანი უფალსა.

სოფლისა დიდებამ და საშუალელი შეურაცხ-ჰყავ, მწეო, ღუაწლისა მძლეო, და შეიყვარე შენ ქრისტე და აწ მისთანა მკადრ ხარ, მეოს გვეფავ, რომელი გეველრებით, სანატრელო.

გაქუნდა საჭურველად ჯუარი ქრისტესი, მტკიცე სასოებად და სიყუარული, და სარწმუნოებითა მით განსძლიერდი და კმა-ჰყავ: აკურთხევდით ღმერთსა საქმენი მისი.

ხრიდეს თავთა გულის წყრომით ღმრთის მბრძოლნი იგი აბოვსთუს და ეტყოდეს მსაჯულსა: მოკალ განდგომილი იგი და შემაჩუქებელი მუპედ მოციქულისა.

განპირწყინდი შენ სულითა, მქნეო, აღანთენ სანთელნი და ჰგალობდი, ვითარცა შემწირველი, საკუერთხთა უბიწოთად მღდელი მგალობელი და თავსა თუსსა სიხარულით მოგზაურ ექმენ.

#### ღმრთისმშობლისა

მსუერპლად საზეპუროდ შეიწირა წმიდამ აბომ, სიყუარულისათუს მისა შენისა, ქალწულო მარიამ, მისითა მეოხებითა სატანისა მახეთაგნ დაიფარენ ქუეყანამ ივერიისამ.

#### სხუად გალობამ

##### კრიკოლ ხანძთელისამ

**ძლისპირი:** შენ, მხოლოსა, დამბადებელისა ყოველთასა გალობამ სულიერი გილაღადეს ყრმათა: ყოველი საქმენი უფალსა უგალობდით და ამაღლებდით მას უბუნისამდე.

ნათელთათუს: იორდანესა, ვითარცა უზეშთაესსა ყოველთა მდინარეთასა – მაქებელ კექმნეთ, რამეთუ განწმიდა დღეს სულმან წმიდამან და ემბაზ ექმნა საღმრთოთა ქორცთა ქრისტესთა.

დაპბადე ქრისტე ადამ ხატად ბრწყინვალედ, ხოლო მაცოცურმან აცოუნა და დაბნელა, არამედ მოხვედ და კუალად ბრწყინვალე ჰყავ ნათლისლებითა და მაცოცური დაბნელე.

აბოესთუს: შიში უღმრთოთამ განაგდეს მორწმუნეთა და სურვილით ამბორს უყოფდეს უბიწოსა მარტკლსა, რად ინილეს აღსრულებული ქრისტესთუს კეთილითა აღსარებითა.

გამოჩნდა ზეციო ვარსკულავი მოტყინიარშ ღამესა ბნელსა მნათობი მზებრ ბრწყინვალშ გუაძსა მას ზედა ქრისტეს მოწმისასა. პატივად ღუაწლთა აბო მქნედ მოღუაწისათა.

შეკრიბნეს ძუალნი ახოვნისა პაბოვსნი და შთაყარნეს დიდსა მას მდინარესა მტკუარსა, ხოლო იგინი ბრწყინვიდეს წყალთა შინა, ვითარცა მთიებნი ყოვლად მნათობირნი.

#### ღმრთისმშობლისა

შენ მიერ ჩუენთუს ქორცშემოსილმან ღმერთმან, შენ, წმიდა და ყოვლად უბიწომ, ყოვლისა ნათესავისა ჩუენისა საღმრთო შუამდგომელ გამოგაჩინა, ქალწულო, ამისთუს მორწმუნენი ქმამაღლად გიგალობთ შენ.

#### გალობამ 9, აღიდებდითსა

##### იოანე ქრისტისძისამ

**ძლისპირი:** ყოველი ტომნი ქუეყანისანი იხარებენ დღეს სულითა და დღესასწაულობენ გუნდი ზეცისა უსხეულოთანი დიდებით მუცლად-ღებასა ყოვლად უბიწომესასა და იტყვან: გიხაროდენ მარადის, ქალწულო მარიამ, სასუჯველსა.

აღმოცენებით აღმოპხვედ ძირთაგან იესტისთა სიწმიდით, ხოლო დღეს იორდანეს ძლევით შეპტუსრე თავი ვეშაპისამ და აღმოპხვედ მიერ, ვითარცა ლომი წერილისაებრ, რომელსა გაქუს მთავრობად ნათესავთამ, რომელთა ემსგავსე განკაცებითა.

ქრისტეს აღთქმულთა საშუებელთა სიკუდილი სიხარულით შეიწყნარე და მიხვედ მისთანა სუფევად, ვითარცა ზიარი ვებათა მისთამ, მოწამეო. ჰეშმარიტად გვაუწყებს ღირსებასა შენსა ნათელი იგი ზეცისამ, პატივად შენდა მოსრული.

აღგიარებ იესო, უძლურებასა ჩემსა, რამეთუ უღირს ვართ შეწყნარებად შენდა, ღმრთისა სიბრძნეო, არამედ სიტყუთა განდეგნე წყლულებად გულისამ და მაქებელად მიჩინე დღეს, საუფლოსა კრებასა და მოწამისა აბომს დღესასწაულსა.

სურვილითა შენითა აღძრულ არს გონებამ ჩუენი, მოწამეო, ამისთუს შეიწირე ქნინი ესე ძღუენი, რომელი მსგავსად ძალისა ჩუენისა მოგურთუამს: მოგკტევე კაღნიერებად და გუთხოვე დღეს ქრისტესგან გამოქსნამ, რომელნი გალობით ღირსად გადიდებთ.

#### ღმრთისმშობლისა

ნუ შეურაცხ-ჰყოფ ერსა შენსა გლახაკსა და დაწუნებულსა, არამედ შემწე ეყავნ მარჯუენად შენი, ძლიერი და მაღალი, შობილო ქალწულისაგან, და მიკსნენ ჩუენ მონებისაგან მტერთა ჩუენთა, და ძლევად მოპმადლე ერსა ჩუენსა.

### სხუად გალობად

სტეფანე სანანიოსძისა

**ძლისპირი:** შობად შენი უხრწნელ არს ქალწულო, ღმერთი მუცლით შენით გამოვიდა განხორციელებული, კაცთა შორის იქცეოდა, ამისთვისცა ჩუენ შენ, ღმრთისმშობელო, მარადის ყოველზი გადიდებთ.

დავითისა ქმასა დაღადებდი, აბო, და ნეტარისა მის ავაზაკისა თანა ჰემობდი ძლიერად: „მომიქსნე, მქსნელო, სასუფეველსა!“. აწ მეოხ გუეყავ მგალობელთა შენთა.

რაჟამს მოვიდეს ტკბილი იგი მსაჯული და დაჯდეს საყდართა სუფევისა მისისათა, მოწამეო, მაშინ ეველრე მას, ჩუენ მგალობელთათვს შენდობად ბრალთა.

უღირსი გალობად ჩუენი შეიწირო, ნეტარო, და ნუ მოიქსნებ ძკრსა ჩუენსა, არამედ განანათლე გულნი შემსხმელთა შენთანი და ცოდვათა წყუდიადი განხადე მგალობელთაგან შენთა.

ღმრთისმშობლისა

წინაშე მისა შენისა, ქალწულო, ჰლაღადებს სისხლი წმიდისა აბოასი. შეისმინე ოხად მისი და შემოგკრიბენ მამული განბნეულნი, და უჩინე მზღუარი, ყოველთა კაცთაგან უსარჩლელი.

### სხუად გალობად

გრიგოლ ხანძოელისა

**ძლისპირი:** ესახა, მხიარულ-იყავ, ქალწულმან მუცლად-ილო, და შვა ძშ დაუსაბამოო ევმანუელ, ღმერთი და კაცი, აღმოსავალ სახელი მისი. მას ვადიდებდეთ, და რომელმან შვა იგი, ვნატრიდეთ.

ნაუკლათუკი: რომელმან შეკრიბნა წყალნი შესაკრებელსა მას ერთსა საღმრთოდთა ბრძანებითა და დაადგინა ვითა თხიერთა უფისკრულისა მათ საუნჯეთა – ღმრთისა სიტყუამან – წყლითა ნათელ-სცა წინამორბედმან.

დაუსაბამოოსა მზისა ნათლისა ნათლისლებითა დამდაბლებულ არიან და დაბნელებულ უკუნისაძე მავნებელნი სულნი ბოროტნი, და შზებრ ნათობენ ნათელლებულნი ადამეანი.

აბოსთუკი: ზეგარდამო წოდებული სარწმუნომ ქრისტეს მოწამე, სანთელი მოტყინარტ, ნეტარი აბომ დაფარეს აქა სხეულითა ისმაიტელთა, ხოლო ქრისტეს მიერ ნათობს სულითა სასუფეველსა.

უვარის-მყოფელნი შენი და მომსრველნი მართალთანი, სიცრუვისა მოქმედი და ურწმუნონი ისმაიტელნი, ჭ, ქრისტე, მისცენ მწარესა მას საუკუნესა სატანჯუელსა დაუსრულებელსა.

უძლეველო მოწამეო, სრბად კეთილად აღასრულენ და აწ მკჯდრ ხარ ნათელსა გამოუთქმელსა: ეველრე ღმერთსა, რამთა დაამჯუნეს მტერნი ჩუენი მცბიერნი, და ძლევად მოსცეს საზეპუროსა ერსა ჩუენსა.

ღმრთისმშობლისა

შენ სასანთლედ ბრწყინუალედ წინაასწარმეტყუელმან წინაათ გიხილა, ყოვლადუბიწოო, მქონებელი ქრისტეს, გონიერისა მის სანთლისა, რომლისა მიერ განვნათლდით ჩუენ სიბნელესა შინა ვნებათასა მდებარენი, ამისთვის გნატრით შენ, ღმრთისმშობელო, მარადის ქალწულო.

განმანათლებელი, ქმა 1 წმიდისა

სისხლითა წამებისადთა... (იხ. სადღესასწაულოში)

### აქებდითსა ზედა დასდებელნი. მუხლი 6

იოანე ქონქოზისძისა

მოვედით დღეს, მორწმუნენო, იხილეთ მენელსაცხებლს, რომელმან შეწირა თავი თვისი მსხუერპლად, მისთვის რომელმან იგნო ჩუენთვს და სისხლთა დათხევითა

სულნელყო ეკლესიად უფრომს ყოველთა წელსაცხებელთა, და აწ გვიდრების ყოველთა მეუფესა, ღმერთისა ჩუენსა, სულთა ჩუენთა ქსნისათჯეს ყოვლისაგან განსაცდელისა.

ადგილი იგი სამსხუერპლომ, რომელსა ზედა დაიწვა ყოვლად წმიდამ გუამი შენი, ნეტარო, დიდებაო მოწამეთაო, ემსგავსა საკურთხეველსა წმიდისა აპრონისასა, ზევით ცეცხლისა დადგრომითა, განგრძნობილად, ღირსო, ნათლითა ბრწყინვალითა, ჰედვიდეს რა ურწმუნოთა დაუკვირდა და მორწმუნენი იხარებდეს ღუაწლთა მათ შენთა საღმრთომთა ქებითა.

#### თქმული გრიგოლ ხანძთელისა:

რაჟამს მოუყერა მოწამემან ქრისტემან, ღუაწლისა მძლემან მახულსა ქედი თჯეთის ქრისტესთჯეს, მას ჟამსა კმა-ყვეს მაღლით უკორცოთა: აღმოვედ ჩუენთანა, გიწეს უფალი და იხარებდი წინაშე მისსა, ხოლო მან შეჰვედრა რამ სული უფალსა, ზეცისა გუნდი წინა უძლოდეს მას სიხარულით. აღიყვანეს გალობითა ზეცად და მამამ აპრაპამ მიეგებვოდა და შეიწყნარა წიაღთა თჯეთა.

რომელთა მოგკლეს უმშვევროდ, ნეტარო აბო, დაესაჯა მათ სასჯელი საუკუნო ჯოვალეთი და ბეჭედი იგი გარესკნელისამ, ხოლო შენ ბრწყინავ წინაშე ღმრთისა, ნათელსა შინა უკუნისამდე. და რაჟამს მოვიდეს მსაჯული სახიერი და დაჯდეს განკითხვად საყდართა სუფევისა თჯეთისათა, მაშინ მეოს გუეყავ, ახოვნო, წინაშე ღმრთისა.

#### 2 მუხლი ანტონ კათალიკონისა (იხ. სადღესასწაულოში)

დიდებამ მამასა და ძესა და წმიდასა სულსა.

ვითარცა წინაპარნი ჩუენნი მიისწრავდეს ადგილსა მას, სადაცა დაწუეს გუამი შენი, ნეტარო აბო, ეგრეთვე აწ ტაძრად შენდა მყის სრბად მოვიწევით: მაღლის მიცემად ღმრთისა, თაყუანისცემად ჯუარისა მის წმიდისა და ამბორისყოფად ყოვლად პატიოსნისა ხატისა შენისა, ხოლო შენ ძალითა ქრისტესითა დაითარე ქუეყანამ ივერიისამ წვალებისაგან და სჯულისაგან უცხომსა, და მკუდრნი მისნი ყოვლისაგან ძურისხილვისა.

აწდა, დღესასწაულისა

დიდებამ მარალი გრძლად და განტევებამ.

#### ლიტურგიასა ზედა

**მომიქსენენი:** კანონისაგან დღესასწაულისა, გალობამ I – მუხლი 4; და წმიდისა გალობამ VI – მუქლი 4.

წარდგომა, ქმამ 7 იხარებდეს მართალი უფლისა მიმართ და ესვიდეს მას.

**მუხლი:** შეისმინე, ღმერთო, ქმისა ჩემისამ.

სამოციქულო II ტიმოთესი: თავი II, მუქლი 1 – შელო ტიმოთე განსძლიერდი მაღლითა... დასასრული, მუქლი 11 – დიდებასა თანა საუკუნესა.

ალილუა, ქმამ 4. მართალი ვითარცა ფინიკი აღყუავდეს, და ვითარცა ნაძულიბანისა განმრავლდეს. მუქლი: დანერგულნი სახლსა შინა უფლისასა

სახარებამ იოანესი, თავი 15, მუხლი 17 – პრქუა უფალმან თჯეთა მოწაფეთა, ამას გამცნებთ თქუენ.. დასასრული, თავი 16, მუხლი 3, მსხუერპლი შესწირა ღმრთისა...

განიცადე: საქსენებელად საუკუნოდ...

მიქაელ მოდრეკილის კრებულიდან გამოკრიბა და შეადგინა:

მეღავითნე თინათინ მჭედლიშეილმა